



15

REPUBLIKA E SHQIPËRISË  
BASHKIA ELBASAN

Nr. 2172 Prot.

Elbasan, më 24.09. 2024

Relacion

**Mbi marrëveshjen me Drejtorinë e Përgjithshme të Policisë së Shtetit në lidhje me  
vjeljen e gjobave të qarkullimit rrugor.**

**Këshillit Bashkiak  
Këtu**

Të nderuar këshilltarë!

Marrëveshja me Drejtorinë e Përgjithshme të Policisë së Shtetit, të cilën e gjeni bashkëngjitur, synon të vendosë marrëdhënje bashkëpunimi midis kësaj drejtorie dhe Bashkisë Elbasan (policisë bashkiake) me qëllim pasqyrimin dhe vjeljen e gjobave të vendosura nga Policia Bashkiake në qarkullimin rrugor në territorin e Bashkisë.

Me nënshkrimin e kësaj marrëveshje, bëhet e mundur që gjobat e vendosura nga Policia Bashkiake në qarkullimin rrugor, të evidentohen dhe rregjistrohen, në sistemin elektronik e-gjopa të Policisë së Shtetit, duke bërë të mundur kështu vjeljen e detyruar të tyre edhe nga strukturat e policisë së shtetit.

Pjesë e kësaj marrëveshje është edhe detyrimi i Bashkisë që 25% të vlerës së gjobave të vjela nga strukturat e Policisë së Shtetit, (*jo ato të paguara vullnetarisht nga qytetarët nëpërmjet sistemit banker apo operatorëve të tjerë*), të investohet në paisje për Policinë e Shtetit të juridiksionit të Elbasanit, në kuadër të shtimit dhe garantimit të sigurisë publike, sipas edhe kërkesave dhe konkluzioneve të Këshillit Vendor të Sigurisë Publike, pjesë e të cilit janë jo vetëm dy institucionet tona, por edhe përfaqësues të strukturave të drejtësisë dhe agjensive ligjzbatuese.

Duke besuar se kjo marrëveshje do të kontribuojë në mënyrë të konsiderueshme në disiplinimin e qarkullimit rrugor por edhe në shtimin e të ardhurave të Bashkisë, ju ftojme ta miratoni atë.

Përgj. Sek. Transp.

E. Bordi

Përgj. Sek. IT.

E. Hoxha

Drejt. Juridike

A. Hoxha

Drejt. Buxhet-Finance

A. Merkja

**Kryetari I Bashkisë  
Gledian Llatja**

**Me Urdhër e Porosi  
Zv/Kryetare  
Aulona Bylykbashi**





MINISTRIA E BRENDASHME  
DREJTORIA E PËRGJITHSHME  
E POLICISË SË SHETIT

Nr. 739 / Prot., datë 12.09 2023  
35



BASHKIA ELBASAN

Nr. 4684 / Prot., datë 6.10 2023  
11

## MARRËVESHJE BASHKËPUNIMI

### NDËRMJET

DREJTORISË SË PËRGJITHSHME TE POLICISË SË SHETIT

DHE

BASHKISË ELBASAN

“PËR

VJELJEN E DETYRIMEVE TË PASHLYERA NGA KUNDËRVAJTJET RRUGORE  
DHE KONVERTIMIN E KËTYRE VLERAVE MONETARE NË INVESTIM PËR  
POLICINË E SHETIT”

Sot, më datë \_\_\_\_\_.2023, në Tiranë, lidhet kjo marrëveshje ndërmjet:

DREJTORISË SË PËRGJITHSHME TË POLICISË SË SHETIT (DPPSH), me adresë:  
Bulevardi “Bajram Curri”, Tiranë, përfaqësuar nga Drejtori i Përgjithshëm i Policisë së Shtetit,  
Drejtues Madhor Muhamet RRUMBULLAKU, në vijim cilësuar si “Policia e Shtetit”;

BASHKISË ELBASAN, me adresë: Rruga “Qemal Stafa”, Elbasan, përfaqësuar nga Kryetari Z.  
Gledjan LLATJA, në vijim cilësuar si “Bashkia”;

Drejtorja e Përgjithshme e Policisë së Shtetit dhe Bashkia Elbasan në vijim cilësuar edhe si Palët,  
bien dakord për sa vijon:

## **Neni 1**

### **Objekti dhe qëllimi**

1. Objekti i kësaj marrëveshje është bashkëpunimi mes Policisë së Shtetit dhe Policisë Bashkiake, me qëllim disiplinimin e qarkullimit rrugor, evidentimin dhe vjeljen e detyrimeve të pashlyera, që rrjedhin nga kundërvajtjet rrugore të konstatuara në mungesë, si dhe konvertimin e tyre në investime për Policinë e Shtetit.
2. Marrëveshja synon të sigurojë dhënien e aksesit të pjesshëm dhe përdorimit të sistemit E-Gjoba për strukturat e Policisë Bashkiake.

## **Neni 2**

### **Baza Ligjore**

Kjo marrëveshje bazohet në ligjin nr. 108/2014 “Për Policinë e Shtetit”, i ndryshuar, ligjin nr. 8224/1997 “Për organizimin dhe funksionimin e Policisë të Bashkisë dhe të Komunës”, i ndryshuar, nenin 203 të ligjit nr. 8378, datë 22.07.1998, “Kodi Rrugor i Republikës së Shqipërisë”, i ndryshuar, ligjin nr. 44/2015 “Kodi i Procedurave Administrative të Republikës së Shqipërisë”, të ligjit nr. 139/2015 “Për Vetëqeverisjen Vendore”, i ndryshuar, ligjin nr. 9920, datë 19.05.2008 “Për procedurat tatimore në Republikën e Shqipërisë”, i ndryshuar, ligjin nr. 9887, datë 10.03.2008 “Për mbrojtjen e të dhënave personale”, i ndryshuar.

## **Neni 3**

### **Të drejtat dhe detyrimet e Drejtorisë së Përgjithshme të Policisë së Shtetit**

Me nënshkrimin e kësaj marrëveshje, Drejtoria e Përgjithshme e Policisë së Shtetit ka këto të drejta dhe detyrime:

1. Merr përsipër të lejojë akses të pjesshëm të sistemit E-Gjoba për strukturat e Policisë Bashkiake, në funksion të pasqyrimin të kundërvajtjeve rrugore;
2. Nëpërmjet strukturave të Drejtorisë së Teknologjisë së Informacionit (DTI), në Policinë e Shtetit, merr përsipër të ofrojë suport teknik për Policinë Bashkiake, për sistemin E-Gjoba;

3. Kontrollon përdorimin e të dhënave në bazën e të dhënave të sistemit E-Gjoba, nga përdoruesit e Bashkisë Elbasan;
4. Cakton një pikë kontakti për administrimin e kërkesave të Bashkisë Elbasan për dhënien e aksesit në sistemin e-gjoba.
5. Njofton zyrtarisht Bashkinë Elbasan për pikën e kontaktit të përcaktuar dhe në vijimësi, njofton nëse për arsye objektive vendos ndryshimin e pikës së kontaktit.

#### **Neni 4**

##### **Të drejtat dhe detyrimet e Bashkisë Elbasan**

Me nënshkrimin e kësaj marrëveshje, Bashkia Elbasan ka këto të drejta dhe detyrime:

1. Policia Bashkiake do të ketë akses të pjesshëm në sistemin E-gjoba, e cila do të përcaktohet me modulet përkatëse.
2. Njofton në rrugë zyrtare Drejtorinë e Përgjithshme të Policisë së Shtetit për heqjen e aksesit në sistemin E-Gjoba, për çdo punonjës që transferohet apo largohet nga detyra.
3. Cakton një pikë kontakti, e cila inicion komunikimet sipas nevojave me pikën e kontaktit në Policinë e Shtetit.
4. Bashkia Elbasan, referuar ligjit nr. 9920, datë 19.05.2008 "Për procedurat tatimore në Republikën e Shqipërisë", i ndryshuar, si dhe nenit 203/3 të Kodit Rugor, do të përkthejë në investim për Policinë e Shtetit 25% të vlerës së gjobave të arkëtuara për llogari të buxhetit të Policisë Bashkiake. Kjo përqindje e dakordësuar nga strukturat përgjegjëse respektive do t'i kalojë Policisë së Shtetit në formë investimi, kryesisht në fushën TIK, sipas kësaj marrëveshje.
5. Shërbimet e përkthyer në investime, sipas pikës 4 të këtij neni, do të përfshijnë zërat e mëposhtëm, si dhe nevoja të tjera të përcaktuara nga Policia e Shtetit:
  - a. Tableta dixhitale për punonjësit e Policisë Rugore;
  - b. Pajisjen me monitorë dhe me aksesorët e nevojshëm për shërbimet e Policisë Rugore;
  - c. Servera dhe pajisje aktive rrjeti, sipas nevojave të sistemit E-Gjoba.
  - d. Kamera/Radar në funksion të rritjes së sigurisë në rrugë.

## **Neni 5**

### **Bashkërendimi i punëve ndërmjet palëve**

1. Palët marrin masa dhe të sinjalizojnë në lidhje me kundërvajtjet rrugore të palikuiduara të konstatuara ndaj subjekteve gjatë kontrollit të tyre.
2. Brenda 10 (dhjetë) ditëve nga data e nënshkrimit të kësaj Marrëveshje, palët njoftojnë me shkresë zyrtare pikat kontaktit (emër, e-mail, nr. telefoni).
3. Komunikimi mes palëve për hapjen, mbylljen, ndryshimin e aksesit apo çështjet teknike do të realizohet nëpërmjet postës elektronike ose me shkrim.

## **Neni 6**

### **Kohëzgjatja e Marrëveshjes**

1. Kjo Marrëveshje është e vlefshme për një periudhë 2 (dy) vjeçare duke filluar nga data e nënshkrimit të saj, me të drejtë ndryshimi të kohëzgjatjes, me dakordësinë e të dy palëve.

## **Neni 7**

### **Konfidencialiteti**

1. Të dhënat e mbledhura në kuadrin e kësaj marrëveshje konsiderohen konfidenciale sipas përcaktimeve të legjislacionit në fuqi.
2. Punonjësit e secilës Palët ruajnë konfidencialitetin për të gjitha të dhënat e siguruar nga sistemi E-Gjoba, gjatë dhe pas përfundimit të detyrës.
3. Të gjitha të dhënat dhe informacioni i siguruar nuk mund të përdoret për qëllime të tjera jashtë përcaktimeve të kësaj marrëveshjeje.

## **Neni 8**

### **Dispozitat e fundit**

1. Kjo Marrëveshje Bashkëpunimi do të hyjë në fuqi që nga data e nënshkrimit të saj;

2. Zgjidhja e mosmarrëveshjeve që ka për objekt detyrimet e palëve të bëhet me mirëkuptim midis tyre;
3. Kjo Marrëveshje Bashkëpunimi mund të ndryshohet me pëlqimin me shkrim të Palëve. Një ndryshim i tillë do të zbatohet për aktivitetet në zbatim, përveç se nëse është rënë dakord ndryshe nga Palët;
4. Cilado Palë mund të ndërpresë këtë Marrëveshje Bashkëpunimi duke i dërguar një njoftim përfundimtar me shkrim Palës tjetër;
5. Për zbatimin e kësaj Marrëveshje ngarkohen, Departamenti i Sigurisë Publike në Drejtorinë e Përgjithshme të Policisë së Shtetit, së bashku me strukturat në varësi të tij dhe Bashkia Elbasan.

Nënshkruar në Tiranë, më datë \_\_\_\_\_, në 4 (katër) kopje autentike në gjuhën shqipe, ku të gjitha tekstet janë identike e në përputhshmëri të plotë, ku secila palë mban 2(dy) kopje.

**PËR  
DREJTORINË E PËRGJITHSHME  
TË POLICISË SË SHTETIT**

**DREJTORI I PËRGJITHSHËM I POLICISË  
SË SHTETIT**

**Drejtues Madhor Muhamet RUMBULLAKU**



**PËR  
BASHKINË ELBASAN**

**KRYETARI**

**Gledjan LLATJA**



# Anex 1

## KARAKTERISTIKA MINIMALE

Në vijim të kërkesave të vazhdueshme për përfshirjen e gjobave të Policëve Bashkiakë në sistemin e-Gjoba në administrim të Policisë së Shtetit ju bëjmë me dije se Departamenti për Teknologjinë e Informacionit në Policinë e Shtetit duke konsideruar përmbushjen e nevojave të bashkive dhe njëkohësisht duke ruajtur sigurinë e plotë të rrjetit informatik të Policisë së Shtetit mund të mundësojë qasjen në sistemin e-Gjoba nëse Bashkitë sigurojnë si më poshtë:

1. Infrastrukturën e sigurt të komunikimit për shkëmbimin e informacionit midis palëve me qëllim parandalimin e aksesit të paligjshëm apo manipulimin e informacionit duke përfshirë konsideruar por pa u kufizuar në Firewall dhe Filtrat e Trafikut, Enkriptimin, Protokollet e Sigurisë, Autentikimi, VPN (Virtual Private Network), si dhe përdorimi i standardeve të njohura të sigurisë si ISO 27001 etj.
2. Sigurimin e Sistemit për menaxhimin e gjobave dhe zhvillimin e webservice-ve për integrimin e E-gjoba të PSH me sistemet nën administrimin e pushtetit lokal.
3. Të drejtat dhe detyrimet e Bashkive dhe Policisë së Shtetit në çdo rast do të përcaktohen përmes marrëveshjes dy-palëshe.
4. Lidhja e bashkive me sistemin e-Gjoba të shoqërohet me një procedurë standarde të mirë përcaktuar, e cila do të jetë nëpërmjet:
  - a. Integritetit të sistemeve nëpërmjet webservice me të gjithë elementët e nevojshëm të sigurisë.
  - b. Përshtatja e një njësie lokale e cila do të konfigurohet nga Departamenti për Teknologjinë e Informacionit pranë DPPSH dhe duhet të ketë këto karakteristika:

|                                                                                         |                                                                                                                                                                                      |
|-----------------------------------------------------------------------------------------|--------------------------------------------------------------------------------------------------------------------------------------------------------------------------------------|
| Pikët min. për procesorin sipas: <a href="http://cpubenchmark.net">cpubenchmark.net</a> | 12200 Pikë                                                                                                                                                                           |
| Min Proc. Rating according to: <a href="http://cpubenchmark.net">cpubenchmark.net</a> : |                                                                                                                                                                                      |
| "Chipset":                                                                              | Intel ose Ekuivalent                                                                                                                                                                 |
| "RAM":                                                                                  | 16 GB, min. DDR4 2666 MHz                                                                                                                                                            |
| Madhësia e Solid-state Drive "SSD Size":                                                | ≥ 500 GB SSD                                                                                                                                                                         |
| "Graphics":                                                                             | Dedicated Graphics with min. 4 GB Memory                                                                                                                                             |
| Ekrani "Display":                                                                       | 15.6" FHD LED (1920 x 1080), Anti Glare                                                                                                                                              |
| Bateria "Battery":                                                                      | Min. 60 Wh                                                                                                                                                                           |
| KOMUNIKIMI & MENAXHIMI                                                                  |                                                                                                                                                                                      |
| Portat e Komunikimit "Ports":                                                           | Min. (3) porta USB nga të cilat min. (3) USB 3.0/USB 3.1<br>(1) DP/HDMI<br>(1) Integrated Mic.<br>(1) Integrated HD Web Camera<br>(1/1) Headphone/Microphone Jack ose (1) Combo Jack |

|                                                   |                                                                                                         |
|---------------------------------------------------|---------------------------------------------------------------------------------------------------------|
| Rrjeti "Networking":                              | 10/100/1000 Mbps LAN (RJ-45);<br>Wireless 802.11ac (Kompatibël me 802.11b/g/n);<br>Bluetooth min. V4.1; |
| "Sound":                                          | Integrated, (2) x built-in Speakers (stereo)                                                            |
| Sistemi i Operimit "Preinstalled Licensed O. S.": | OEM Windows 10 64-bit Professional                                                                      |
| Tastiera "Keyboard":                              | QWERTY                                                                                                  |
| "Pointing Device":                                | Touch Pad                                                                                               |
| Siguria "Security":                               | Embedded Security TPM 2.0                                                                               |
| <b>AKSESORËT</b>                                  |                                                                                                         |
| Kabëll "Power Cord":                              | Po, European                                                                                            |
| Ushqyesi "Recharger":                             | Po                                                                                                      |
| "Mouse"                                           | Po, i të njëjtës Markë me Laptopin                                                                      |
| Çanta "Carrying Bag":                             | Po, nga Prodhuesi. E përshtatshme për Laptop dhe Aksesorët e tjerë.                                     |
| "Recover":                                        | Recover Partition                                                                                       |
| <b>GARANCIA</b>                                   |                                                                                                         |
| Periudha e Mbulimit të Garancisë "Warranty":      | 3 Vjet                                                                                                  |



ANEX 2.

PIKAT E KONTAKTIT

| <b>Drejtoria e Përgjithshme e Policisë Shtetit<br/>Drejtoria Vendore e Policisë Elbasan</b>                                                                                                                                                    | <b>Bashkia Elbasan</b> |
|------------------------------------------------------------------------------------------------------------------------------------------------------------------------------------------------------------------------------------------------|------------------------|
| Enri NDONI, Drejtor, Drejtoria e Sistemeve<br>Departamenti për Teknologjinë e<br>Informacionit, Drejtoria e Përgjithshme e<br>Policisë së Shtetit Tiranë.<br><a href="mailto:enri.ndoni@asp.gov.al">enri.ndoni@asp.gov.al</a> , 00355682058536 |                        |
| Shef Sektori i Policisë Rrugore, DVP Elbasan                                                                                                                                                                                                   |                        |



**REPUBLIKA E SHQIPËRISË**  
**BASHKIA ELBASAN**  
**Këshilli Bashkiak**

Nr. \_\_\_\_\_ Prot.

Elbasan, më \_\_\_\_\_. \_\_\_\_\_. 2024

**Projekt – Vendim**

Nr \_\_\_\_\_ Datë \_\_\_\_/\_\_\_\_/2024

**Mbi miratimin e marrëveshjes midis Bashkisë Elbasan dhe Drejtorisë së Përgjithshme të Policisë së Shtetit**

Këshilli Bashkiak, në mbledhjen e tij të datës \_\_\_\_/\_\_\_\_/2024, pasi shqyrtoi marrëveshjen me Drejtorinë e Përgjithshme të Policisë së Shtetit mbi vjeljen e gjobave të vendosura nga Policia Bashkiake në qarkullimin rrugor dhe relacionin e paraqitur nga administrata e Bashkisë, bazuar në ligjin 139/2015 Për vetqeverisjen vendore” nenet 8, 9, 10, 23, 29 e 54 të tij, ligjin 8378 datë 22.07.1998 “Kodi Rrugor i R.SH.” i ndryshuar,

**Vendosi**

1. Të miratojë Marrëveshjen e Bashkëpunimit me Drejtorinë e Përgjithshme të Policisë së Shtetit, në lidhje me evidentimin dhe vjeljen e gjobave të vendosura nga Policia Bashkiake në qarkullimin rrugor, sipas tekstit bashkëngjitur këtij vendimi.
2. Ngarkohen Kryetari e administrata e Bashkisë, dhe Policia Bashkiake me zbatimin e këtij vendimi
3. Ky vendim hyn në fuqi 10 ditë pas shpalljes

Përgj. Sek. Transp.  
Përgj. Sek. IT.  
Drejt. Juridike  
Drejt. Buxhet-Finance

E. Bordi  
E. Hoxha  
A. Hoxha  
A. Merkja

**Sek. Këshillit Bashkiak**  
**Elvi Çuni**

**Kryetari**  
**Lutfi Lala**